



II. fasea >> TURTZIOZKO TOKIKO EKINTZA PLANA

Tokiko Ekintza Plana tresna boluntarioa da iraunkortasunaren aldeko kudeaketak eta politikak bideratzeko; toki mailako helburu eta ekintzak urte batzuen buruan egin eta lortu behar dira. Ekintza Plana oinarrizko elementua da eta herritarren partaidetza plangintza prozesuaren elementua.

[EKINTZA PLANA. JOAN](#)

[EKINTZA PLANAREN EGITURAKETA. JOAN](#)

[ESTRATEGIA ILDOAK. JOAN:](#)

1. [ESTRATEGIA ILDOA:](#) IRAUNKORTASUN-IRIZPIDEAK LURRALDE ANTOLAMENDUAN TXERTATU.
2. [ESTRATEGIA ILDOA:](#) NATUR INGURUNEAREN ETA BIODIBERTSITATEAREN KUDEAKETA IRAUNKORRA.
3. [ESTRATEGIA ILDOA:](#) MUGIKORTASUNA ETA IRISGARRITASUNA HOBETU.
4. [ESTRATEGIA ILDOA:](#) URAREN ZIKLOAREN KUDEAKETA IRAUNKORRA.
5. [ESTRATEGIA ILDOA:](#) HONDAKINEN KUDEAKETA IRAUNKORRA.
6. [ESTRATEGIA ILDOA:](#) ENERGIAREN KUDEAKETA IRAUNKORRA.
7. [ESTRATEGIA ILDOA:](#) ATMOSFERA ETA AKUSTIKAREN KALITATEA KONTROLA.

EKINTZA PLANAREN EZAUGARRIAK

Hona hemen Tokiko Ekintza Planaren ezaugarriak:

Iraunkortasunaren aldekoa: Udalerri iraunkorragoa lortzea da helburua eta horretarako garapen ekonomikoa, gizarte berdintasuna eta ingurumenaren zaintza bateratu behar dira, herritarren bizi kalitatea hobetuz.

Estrategikoa: Tokiko Ekintza Planak egin aurretik herriaren analisia eta diagnostikoa egin behar dira, etorkizuna baldintzatzen duten ahultasunak eta sendotasunak, mehatxuak eta aukera nagusiak identifikatzeko. Ekintza Planak plangintza estrategikorako tresnak dira eta arlo desberdinetako ikuspegi eta lehentasunetatik abiaturik, lortu beharreko ikuspegi eta helburuak ezartzen dituzte. Azken batez, etorkizunari begira eginiko hausnarketa da, eszenatoki iraunkorrago batera garamatzaten politikari eta toki-kudeaketari alde aurretik behar den orientazioa emateko.

Zeharkakoa: Tokiko komunitatearen iraunkortasunerako gakoak diren gai-esparru guztiak bateratzen ditu eta baita esparruen arteko harremanak ere. Sektoreka baino, irtenbide globalak ematea da helburua, horren ondoriozko sinergiak errazteko.

Partaidetzakoa: Ekintza Planak eratzeko prozesuak udal egoeraren diagnostiko eta plangintzaren irizpide teknikoak partaidetzako jarduerekin uztartzen ditu. Udal errealitatean ahalik eta tokiko eragile eta ordezkari gehien txertatu nahi ditu, herriko ikusmolde eta sentsibilizazio gehienak bilduz. Horri esker ondokoak lor daitezke:

- Diagnostiko osatuagoa eta kalitate handiagokoa, biztanleen pertzepzioa eta udala kudeatzen duten teknikarien ezagutzak batuz.
- Tokiko komunitateko sektoreen aniztasunean parte hartzeko ikuspegi eta mekanismoak aintzat hartzen dituen Tokiko Ekintza Plana; horrela, herriaren lehentasunak hobetu txertatu ahal dira eta geroago, Plana burutzean, bideragarritasun sozial, tekniko eta ekonomiko handiagoa eman ahal zaio.
- Tokiko eragile guztiak Tokiko Ekintza Plana ezartzen parte hartzea, horren diseinuan lagundu baitzuten.



Operatiboa: Tokiko Ekintza Plana tresna erabilgarria izan behar da udal kudeaketarako; horregatik, funtzionala izateko ezaugarriak izan eta egin beharreko ekintzak zehaztu behar ditu, esaterako, arduradunak eta burutzeko egutegiak ezartzen.

EKINTZA PLANAREN EGI TURAKETA

Tokiko Ekintza Planak Estrategia Ildoetan oinarritzen dira eta horiexek dira Planaren oinarritzko helburuak.

Estrategia-ildo bakoitzak helburu zehatzak ditu jarduteko programetan zehaztuta. Programa horien ekintzek Planaren oinarritzko unitatea osatzen dute eta ezaugarri berezi eta zehatzak behar dituzte.

Ekintza Plana egitean, lotutako adierazleak sartu dira estrategia-ildo bakoitzean, egoeraren erreferente gisa; horrela, aztertutako parametroen egoera zein den jakin dezakegu eta etorkizunean eboluzioa eta helburuak nola lortzen ari diren jakiteko balio izango digute.

Turtziozko Iraunkortasunaren aldeko Tokiko Ekintza Planak 11 estrategia-ildo dauzka ondoko gaien inguruan: lurraldea, ingurumena, gizartea eta ekonomia, udal kudeaketa, komunikazioa eta herritarren partaidetza, herritarren partaidetzako foroak egin dituen proposamenekin bat etorriz.

ESTRATEGIA ILDOAK

1. ESTRATEGIA ILDOA:

IRAUNKORTASUN-IRIZPIDEAK LURRALDE ANTOLAMENDUAN TXERTATU
<p>P1. ETXEBIZITZARI BURUZKO OSOKO POLITIKAREN PROGRAMA.</p> <ul style="list-style-type: none">◆ Hiri antolamendua berrikustean, gizarte, ekonomia eta ingurumen esparruak kontuan hartu.◆ Etxebizitzak eraikitzea sustatu, herritarren beharrezan arabera.
<p>P2. ESPAZIO PUBLIKOA HOBETZEKO ETA ERAIKIN PUBLIKOETARA IRISGARRITASUNA ERRAZTEKO PROGRAMA.</p> <ul style="list-style-type: none">◆ Berdeguneen azalera eta kopurua handitu.◆ Inbentarioan dauden eraikinak zaharberritzeko programa landu.
<p>LOTUTAKO ADIERAZLEAK:</p> <ul style="list-style-type: none">◆ Etxebizitzen okupazioa: hutsik dauden etxebizitzen %.◆ Hiriko berdeguneak: m2 biztanleko.◆ Urbanizatu gabeko lurzorua azalera: lurzorua %.◆ Eraikinen zaharberrikuntza: Eraikin kopurua.



2. ESTRATEGIA ILDOA:

NATUR INGURUNEAREN ETA BIODIBERTSITATEAREN KUDEAKETA IRAUNKORRA
P1. PAISAIA ETA EKOLOGIAKO INTERESEKO ALDEAK ETA ELEMENTUAK BABESTU ETA BERRESKURATZEKO PROGRAMA.
<ul style="list-style-type: none">◆ Landa-katastroaren jarduera.◆ Bertako espeziek landatzeko proposamena egin.◆ Basoen kudeaketa kontrolatu.◆ Ibaiertzeko landaredia hobetzeko plana.
LOTUTAKO ADIERAZLEAK:
<ul style="list-style-type: none">◆ Bertako espezieak bizi diren udal azaleraren ehunekoa, herriko azalera osoarekiko.

3. ESTRATEGIA ILDOA:

MUGIKORTASUNA ETA IRI SGARRITASUNA HOBETU
P1. MUGIKORTASUN IRAUNKORRERAKO NEURRIAK HARTZEKO PROGRAMA.
<ul style="list-style-type: none">◆ Autobusen maiztasuna areagotzeko aukerak aztertu.◆ Dauden garraio publikoen loturak hobetu.
LOTUTAKO ADIERAZLEAK:
<ul style="list-style-type: none">◆ Trafikoaren dentsitatea: udalerriko errepidetik egunean igarotzen diren ibilgailuen kopurua.◆ Garraio publikoaren erabilera: Turtziozera autobusez joaten diren bidaiarien kopurua.◆ Joan-etorriak egiteko modu iraunkorrak: kilometroen kopurua bideetan, oinezko bide eta txirringa-bideetan.

4. ESTRATEGIA ILDOA:

URAREN ZIKLOAREN KUDEAKETA IRAUNKORRA
P1. SANEAMENDUKO SAREA HOBETZEKO PROGRAMA.
<ul style="list-style-type: none">◆ Arazketa-sistemak ezartzeko aukerak aztertu.
P2. HORNIDURA-SAREA HOBETZEKO PROGRAMA.
<ul style="list-style-type: none">◆ Ur-biltegien klorazio eta analisis sistema hobetu.
P3. IBAI ETA ERREKASTOETAKO UREN KALITATEA ZAI NTZEKO PROGRAMA.
<ul style="list-style-type: none">◆ Ibai eta errekastotako uren kalitatea aldian-aldian kontrolatu.



P4. HERRITARREN SENTSIBILIZAZIO PROGRAMA.

- ◆ Sentsibilizazio kanpainak egin.

LOTUTAKO ADIERAZLEAK:

- ◆ Edateko ura: kalitate estandarra gainditzen den egun-kopurua urtean.
- ◆ Edateko uraren etxeko kontsumoa: litro kopurua biztanleko eta eguneko.
- ◆ Ur beltzen arazketa: arazketa-sistemaren bat duten etxebizitzaren kopurua.
- ◆ Ibaiaren uraren kalitatea: BWMP adierazlea.

5. ESTRATEGIA ILDOA:

HONDAKINEN KUDEAKETA IRAUNKORRA

P1. BILKETA-ZERBITZUAK HOBETZEKO PROGRAMA.

- ◆ Edukiontzien beharrak, kokaleku egokia eta bilketaren maiztasuna aztertu.

P2. SENTSIBILIZAZIO KANPAINAK EGITEKO PROGRAMA.

- ◆ Informazio kanpainak egin.
- ◆ Ohitura egokiak azaltzen dituen eskuliburua idatzi.

P3. LURZORUAREN KALITATEA HOBETZEKO PROGRAMA.

- ◆ Gordon-eko zabortegia berreskuratu.

LOTUTAKO ADIERAZLEAK:

- ◆ Hiri-hondakinen ekoizpena: Kg biztanleko eta eguneko.
- ◆ Gaikako bilketaren ehunekoa bilketa osoarekiko.
- ◆ Edukiontzien ratioa: edukiontzien kopurua biztanleko.

6. ESTRATEGIA ILDOA:

ENERGIAREN KUDEAKETA IRAUNKORRA

P1. ENERGIA BERRIZTAGARRIAK BULTZATZEKO PROGRAMA.

- ◆ Energia berriztagarrien instalazioak bultzatu.

P2. ENERGIA-ERAGINKORTASUNA HOBETZEKO PROGRAMA.

- ◆ Udalerriko elektrizitate-instalazioak hobetu.
- ◆ EEERekin hitzarmena sinatu udal instalazioetako energia-eraginkortasuna aztertzeke.

P3. ENERGIA AURREZTEKO BEHARRARI BURUZKO SENTSIBILIZAZIO KANPAINAK.

- ◆ Energia-eraginkortasun irizpidea kontuan hartu udal-obrak esleitzeko orduan.
- ◆ Udal instalazioetan energia aurrezten laguntzen duten jarraibideak biltzen dituen eskuliburua idatzi.

LOTUTAKO ADIERAZLEAK:

- ◆ Energiaren kontsumoa udal instalazioetan: elektrizitatea, gasolio litroak, gasa...



7. ESTRATEGIA ILDOA:

ATMOSFERA ETA AKUSTIKAREN KALITATE KONTROLA

P1. UDALERRIKO ATMOSFERA KALITATEAREN KONTROLA ETA INFORMAZIO PROGRAMA.

- ◆ Eusko Jaurlaritzaren sentso-re-sareak emandako datuen kontrola eta jarraipena egin.

P2. KALITATE AKUSTIKOAREN KONTROL-PROGRAMA.

- ◆ Ekintza ezberdinengatik jarritako salaketen eta kexen jarraipena burutu.